

# ხელშეკრულება

საკონსულტაციო მომსახურებაზე

კახეთის რეგიონში კულტურული მემკვიდრეობის  
ძეგლებთან დაკავშირებული ტურისტული  
ინფრასტრუქტურის გზის სამშენებლო სამუშაოების  
საპროექტო მომსახურების შესყიდვა

№ GOG/C/D/2492-089-2011

დეკემბერი, 2011 წელი



# ხელშეკრულება

№ GOG/C/D/2492-089-2011

## 1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ მე-3 მუხლის მე-2 პუნქტის „დ“ ქვეპუნქტის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას, რომელიც ახორციელებს შესყიდვას;

1.3 „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;

1.4 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული

## 2. ხელშეკრულების დამდები მხარეები

აღნიშნული ხელშეკრულება („ხელშეკრულება“) იდება 2011 წლის 23 დეკემბერს, საქართველოს მუნიციპალური განვითარების ფონდს („შემსყიდველი“), რომლის მისამართია თბილისი, დავით აღმაშენებლის გამზ. №150 და შპს „საპროექტო-საკონსულტაციო კომპანია ბითი“-ს („მიმწოდებელი“), რომლის მისამართია: ძმები კაკაბაძეების ქ. №11, 0108, თბილისი, საქართველო, შორის.

იმის გათვალისწინებით, რომ შემსყიდველი მიმწოდებლისაგან ითხოვს ქვემოთ აღნიშნულ მომსახურებას და მიმწოდებელი თანახმაა აღნიშნული მომსახურების გაწევაზე.

## მხარეები თანხმდებიან შემდეგზე:

## 3. მომსახურება

3.1 მიმწოდებელი შეასრულებს კახეთის რეგიონში კულტურული მემკვიდრეობის ძეგლებთან დაკავშირებული ტურისტული ინფრასტრუქტურის გზის სამშენებლო სამუშაოების საპროექტო მომსახურების შესყიდვა (CPV 71200000), განსაზღვრულს ამ ხელშეკრულების დანართში №1: „ტექნიკური დავალება და მომსახურების მოცულობა“, რომელიც წარმოადგენს აღნიშნული ხელშეკრულების განუყოფელ ნაწილს (შემდგომში „მომსახურება“).



#### 4. ხელშეკრულების მოქმედების ვადები

4.1 მიმწოდებლის მიერ სამუშაოების შესრულების ვადაა 2011 წლის 23 დეკემბრიდან 2012 წლის 23 იანვრის ჩათვლით, ან ნებისმიერი სხვა ვადა მხარეთა შეთანხმებისამებრ.

4.2 წინამდებარე ხელშეკრულება ძალაშია მხარეთა ხელმოწერის დღიდან და მოქმედებს 2012 წლის 23 თებერვლის ჩათვლით.

#### 5. ანგარიშსწორების ოდენობა, გრაფიკი და პირობები

##### 5.1 მაქსიმალური თანხა

დანართში №1 განსაზღვრული მომსახურებისთვის შემსყიდველი მიმწოდებელს გადაუხდის თანხას, რომელიც შეადგენს 41,000 (ორმოცდაერთი ათასი) ლარს. აღნიშნული თანხა ღვინდება იმის გათვალისწინებით, რომ იგი შეიცავს მიმწოდებლის შემოსავალს, გასავალს და სავალდებულო გადასახადებს, რომლებიც შეიძლება დაეკისროს მიმწოდებელს საქართველოს კონონმდებლობის შესაბამისად.

##### 5.2 წინასწარი ანგარიშწორება

შესაძლებელია განხორციელდეს წინასწარი ანგარიშწორება. შემსყიდველი განახორციელებს წინასწარ ანგარიშსწორებას მიმწოდებელთან მიმწოდებლის მიერ იმავე ოდენობის თანხაზე საბანკო გარანტიის წარმოდგენის შემდეგ თანდართული ფორმის შესაბამისად. მიმწოდებლის მიერ წარმოდგენილი საავანსო საბანკო გარანტია უნდა იყოს ძალაში სამუშაოს შესრულების დასრულებამდე სანამ არ ანაზღაურდება წინასწარი გადახდა.

##### 5.3 გადახდის გრაფიკი

ერთჯერადი გადახდა წარმოსადგენი დოკუმენტაციის წარმოდგენისას.

##### 5.4 გადახდის პირობები

გადახდა იწარმოებს ლარში, არაუგვიანეს ოცდარვა (28) კალენდარული დღისა მას შემდეგ, რაც მიმწოდებელი წარმოუდგენს მე-6-ე პუნქტში მითითებულ კოორდინატორს გადახდის ანგარიშს სამ ეგზემპლარად.

ანგარიშსწორების ფორმა იქნება უნაღლო. გადარიცხვა მოხდება მიმწოდებლის საბანკო ანგარიშზე.

#### 6. პროექტის ადმინისტრირება

##### 6.1 კოორდინატორი

შემსყიდველი კოორდინატორად ნიშნავს ბ-ნ თენგიზ ლაკერბაია, კოორდინატორი პასუხისმგებელი იქნება ხელშეკრულებით გათვალისწინებული საქმიანობის კოორდინირებაზე, ანგარიშების და სხვა წარმოსადგენი მასალების მიღებაზე და დამტკიცებაზე, აგრეთვე გადახდის მოთხოვნის მიღებასა და დამტკიცებაზე.

#### 7. მომსახურების მიღება-ჩაბარების წესი

მომსახურება გაწეულად ჩაითვლება შესაბამისი „მიღება-ჩაბარების“ აქტის გაფორმების საფუძველზე.



## 8. მომსახურების ხარისხი და გარანტია

მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს ხარვეზებს და შესრულებული იქნება მაღალხარისხოვნად, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება

## 9. კონფიდენციალურობა

აღნიშნული ხელშეკრულების მოქმედების ვადაში და მისი შეწყვეტიდან ორი წლის განმავლობაში მიმწოდებელმა არ უნდა გაამხილოს მომსახურებასთან, აღნიშნულ ხელშეკრულებასთან, კლიენტის საქმიანობასთან ან სხვა ოპერაციებთან დაკავშირებული არანაირი ინფორმაცია, რომელიც წარმოადგენს შემსყიდველის საკუთრებას და კონფიდენციალურია, შემსყიდველისაგან წინასწარი წერილობითი თანხმობის მიღების გარეშე.

## 10. მასალების საკუთრება

მიმწოდებლის მიერ შემსყიდველისათვის ხელშეკრულების შესაბამისად მომზადებული ნებისმიერი სახის გამოკვლევა, ანგარიშები ან სხვა მასალები, გრაფიკა, პროგრამული უზრუნველყოფა და სხვა დოკუმენტები, წარმოადგენს შემსყიდველის საკუთრებას. შემსრულებელმა შეიძლება დაიტოვოს ასეთი დოკუმენტების და პროგრამული უზრუნველყოფის ასლი.

## 11. მიმწოდებელი არ უნდა იყოს დაკავებული განსაზღვრული საქმიანობებით

მიმწოდებელი თანახმაა, რომ ხელშეკრულების მოქმედების ვადაში და მისი დასრულების შემდეგაც, მას და მასთან დაკავშირებულ ნებისმიერ ორგანიზაციას ეკრძალება აღნიშნული მომსახურებიდან წარმოქმნილი ან მასთან მჭიდრო კავშირში მყოფი პროექტის საქონლით, სამუშაოებითა და სხვა სახის მომსახურებით უზრუნველყოფა (გარდა აღნიშნული მომსახურებისა და მისი გაგრძელებისა).

## 12. დაზღვევა

მიმწოდებელი ვალდებულია განახორციელოს პროფესიული პასუხისმგებლობის დაზღვევა: არ გამოიყენება.

## 13. ვალდებულებების გადაბარება

მიმწოდებელი არ გადააბარებს ხელშეკრულებასთან ან ქვე-ხელშეკრულებასთან ან ნებისმიერ მათ ნაწილთან დაკავშირებულ ვალდებულებებს, შემსყიდველის წინასწარი წერილობითი თანხმობის გარეშე.

## 14. ხელშეკრულების ენა და მარეგულირებელი კანონი

ხელშეკრულება რეგულირდება საქართველოს საკანონმდებლო აქტებით. ხელშეკრულების ენა არის ქართული.

**15. სადავო საკითხების გადაწყვეტა**

თუ ხელშეკრულებასთან დაკავშირებული სადავო საკითხის გადაწყვეტა ვერ მოხერხდა მხარეებს შორის ურთიერთშეთანხმების საფუძველზე, მაშინ ამ დავის გადაწყვეტა მოხდება საქართველოს სასამართლოს/არბიტრაჟის გზით, შემსყიდველის ქვეყნის კანონმდებლობის თანახმად.

**16. საჯარიმო სანქციები**

16.1 მიმწოდებელი გადაუხდის შემსყიდველს საჯარიმო თანხას სამუშაოების დასრულების დადგენილი ვადის გადაცილებისათვის. ჯარიმა შეადგენს კონტრაქტის ფასის 0.1 პროცენტს თითოეული გადაცილებული დღისათვის, რამდენი დღითაც მიმწოდებელი დააგვიანებს პროექტის წარმოდგენას.

16.2 თუ შემსყიდველი დააგვიანებს გადახდას 5.3 ქვეპუნქტში მითითებული ვადის შემდეგ, იგი იხდის დამატებით კომპენსაციას წლიური 1 პროცენტის ოდენობით ყოველ დაგვიანებულ დღეზე.

**17. ხელშეკრულების შეწყვეტა**

17.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

17.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

17.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

17.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

17.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- ბ) საქართველოს კანონმდებლობით გათვალისწინებულ სხვა შემთხვევებში.

17.6 ამ მუხლის 17.5 ქვეპუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.





## 18. მხარეთა უფლება-მოვალეობანი

- 18.1 მიმწოდებელი პასუხისმგებელია გაწეული მომსახურების ხარისხსა და დროულობაზე.
- 18.2 შემსყიდველი ორგანიზაცია ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას გაწეული მომსახურების ღირებულება.
- 18.3 შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.
- 18.4 შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.
- 18.5 მიმწოდებელი არ აგებს პასუხს შემსყიდველის მიერ მესამე პირის მიმართ ნაკისრ ვალდებულებებზე.

## 19. ფასები

- 19.1 წინამდებარე ხელშეკრულების დაფიქსირებული მომსახურების ფასი წარმოადგენს ხელშეკრულების ღირებულებით პარამეტრს.
- 19.2 ხელშეკრულების ღირებულებითი პარამეტრის შეცვლა ხელშეკრულების მოქმედების მთელი პერიოდის განმავლობაში არ არის დასაშვები.

## 20. ხელშეკრულებაში ცვლილებების შეტანა

- 20.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.
- 20.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.
- 20.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 21. ფორს-მაჟორი

- 21.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.
- 21.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას

ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასივნების მკვეთრი შემცირებით და სხვა.

21.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოშვები მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიხადოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

**შემსყიდველი**

**მიმწოდებელი**

**ლევან ჭიჭინაძე**

აღმასრულებელი დირექტორი

**ლევან ყიფიანი**

დირექტორი

ხელმოწერა



ხელმოწერა



მხარეთა რეკვიზიტები:

**საქართველოს მუნიციპალური განვითარების ფონდი**

**შპს "საპროექტო-საკონსულტაციო კომპანია ბითი"**

ქ. თბილისი 0112, დ. აღმაშენებლის 150

ძმები კაკაბაძეების ქ. №11, 0108, თბილისი, საქართველო

ს/კ: 202 101 757

ს/კ: 204 472 695

სს „საქართველოს ბანკი“ ცენტრალური ფილიალი

სს „თიბისი ბანკი“

კოდი: BAGAGE22

კოდი: TBCBGE 22

ა/ა: **GE17BG0000000264040906**

ა/ა: **GE68TB1100000107467309**

Handwritten signatures at the bottom of the page.



# დანართი №1: ტექნიკური დავალება და მომსახურების აღწერილობა

## ტექნიკური დავალება

კახეთის რეგიონში კულტურული მემკვიდრეობის ძეგლებთან დაკავშირებული ტურისტული ინფრასტრუქტურის გზის სამშენებლო სამუშაოების საპროექტო მომსახურებისათვის

### 1. შესავალი

საქართველოს მუნიციპალური განვითარების ფონდი (შემდგომში მგფ) წარმოადგენს საჯარო სამართლის იურიდიულ პირს, რომლის მიზანია მოახდინოს სახსრების მობილიზება სხვადასხვა საერთაშორისო დონორებისაგან და საქართველოს ფინანსური ორგანიზაციებისაგან, და ხელმისაწვდომი გახადოს ამ სახსრების ადგილობრივ ინფრასტრუქტურაში და მომსახურებაში ინვესტირება, იმავდროულად ხელი შეუწყოს ადგილობრივი თვითმმართველობის ორგანოების ინსტიტუციური და ფინანსური შესაძლებლობების გაძლიერებას.

მგფ-ის პროგრამით გათვალისწინებულია სხვადასხვა პროექტების განხორციელება, მათ შორისაა რეგიონალური განვითარების პროექტი, რომელიც ფინანსდება საქართველოს მთავრობის და მსოფლიო ბანკის მიერ. პროექტის ერთ-ერთ მიზანს წარმოადგენს კახეთის რეგიონში ტურიზმის განვითარება.

ამ პროექტის ფარგლებში გათვალისწინებულია კახეთში კულტურული მემკვიდრეობის ძეგლებთან ტურისტული ინფრასტრუქტურის მოწყობა, კერძოდ ტურისტულ ავტოსადგომებთან მისასვლელი გზების რეაბილიტაცია.

### 2. ქვეპროექტის მოკლე აღწერა

წინამდებარე ტექნიკური დავალება განსაზღვრავს საპროექტო მომსახურებას სამი მისასვლელი გზის დეტალური საინჟინრო პროექტის მოსამზადებლად.

სამივე ობიექტი მდებარეობს კახეთის რეგიონში:

1) თელავის მუნიციპალიტეტში ახალი და ძველი შუამთას კომპლექსი.

პროექტით გათვალისწინებულია თბილისი-გომბორი-თელავი საავტომობილო გზიდან ახალი და ძველი შუამთას მონასტერთან მისასვლელი გზის რეაბილიტაცია. გზის სავარაუდო სიგრძეა 2200 მ, სავალი ნაწილის სიგანე – 4.5-5 მ. საპროექტო გზის პარამეტრები უნდა დაზუსტდეს ობიექტის ადგილზე შესწავლის შემდეგ.

გზის საფარი მნიშვნელოვნად არის დაზიანებული და საჭიროებს კაპიტალური შეკეთებას, ახალი ასფალტობეტონის საფარის გადაგებას, საჭიროების შემთხვევაში ბორდიურების და ხელოვნური ნაგებობების მოწყობას.



## 2) ახმეტის მუნიციპალიტეტში იყალთოს მონასტერი

პროექტით გათვალისწინებულია თელავი-ახმეტის საავტომობილო გზიდან იყალთოს მონასტერთან მისასვლელი გზის რეაბილიტაცია. გზის სავარაუდო სიგრძეა 1500 მ, სავალი ნაწილის სიგანე – 6 მ. საპროექტო გზის პარამეტრები უნდა დაზუსტდეს ობიექტის ადგილზე შესწავლის შემდეგ.

გზის საფარის ერთი მონაკვეთი (დაახლოებით 900მ) მნიშვნელოვნად არის დაზიანებული და საჭიროებს კაპიტალური შეკეთებას, ახალი ასფალტობეტონის საფარის გადაგებას, ხოლო დარჩენილი ნაწილი ნაკლებად არის დაზიანებული და საჭიროებს ორმოულ დაშუშავებას და ერთი ფენის გადაგებას.

გზის ორივე მონაკვეთზე საჭიროების შემთხვევაში გასათვალისწინებელია ბორდიურების და ხელოვნური ნაგებობების მოწყობა.

## 3) სიღნაღის მუნიციპალიტეტში, სოფ. ტიბაანში ხირსას მონასტერი

პროექტით გათვალისწინებულია ტიბაანი-ჯუგაანი საავტომობილო გზიდან ხირსას მონასტერთან მისასვლელი გზის მოწყობა. გზის სავარაუდო სიგრძეა 300 მ, სავალი ნაწილის სიგანე – 6 მ. საპროექტო გზის პარამეტრები უნდა დაზუსტდეს ობიექტის ადგილზე შესწავლის შემდეგ.

არსებული გზის საფარი გრუნტისაა, საჭიროა 2-ფენიანი ასფალტობეტონის გზის მოწყობა. საპროექტო გზის გვერდით ჩამოდის ხევი, რომელიც სავარაუდოდ წყალდიდობის პერიოდში დატბორავს გზას. ეს გარემოება გასათვალისწინებელია პროექტირების დროს და გასათვალისწინებელი შესაბამისი ხელოვნური ნაგებობები გზის დასაცავად.

## 3. დავალების მიზანი

ამ დავალების მიზანს წარმოადგენს დეტალური საინჟინრო პროექტის მომზადება, რომელიც შემდგომ გამოყენებულ იქნება გზების სარეაბილიტაციო სამუშაოების განსახორციელებლად.

### 3.1 დეტალური საინჟინრო პროექტის და სატენდერო მასალების მომზადება

წარმოდგენილი საინჟინრო პროექტი უნდა ეფუძნებოდეს ტექნიკურ დავალებაში მოცემულ ძირითად გადაწყვეტილებებს და უნდა შეესაბამებოდეს იმ ძირითად პარამეტრებს და მახასიათებლებს, რომლებიც მოცემულია ამ სპეციფიკაციების თანდართულ დოკუმენტში - "საპროექტო სახელმძღვანელო პრინციპები ურბანული და სოფლების დამაკავშირებელი გზებისა და ინფრასტრუქტურისათვის".

საკონსულტაციო მომსახურება მოიცავს (მაგრამ შეიძლება არ შემოიფარგლოს) დეტალური პროექტის შესადგენად საჭირო საძიებო-კვლევით და საპროექტო სამუშაოებს, კერძოდ:

- I. ობიექტის რეკონოსცირება
- II. საძიებო-კვლევითი სამუშაოები
  - ტახეომეტრიული აგეგმვა;
  - სავალი ნაწილის არსებული საგზაო სამოსის კონსტრუქციის გამოკვლევა (გეოლოგიური ჭრილები);
- III. საპროექტო სამუშაოები
  - საგზაო სამოსის კონსტრუქციის შერჩევა;

- გრძივი და განივი პროფილების დაპროექტება;
- სანიაღვრე სისტემის მოწესრიგება;
- ხელოვნური ნაგებობების მოწყობა;
- საეკოლოგიური ნაწილზე არსებული კომუნიკაციების ჭეხვის სახურავების საპროექტო ნიშნულზე მოყვანა;
- სამუშაოთა მოცულობების საპიკეტო უწყისის შედგენა;
- სამუშაოთა მოცულობების კრებსითი უწყისის შედგენა;
- საჭირო მასალების ამონაკრები;
- საჭირო მანქანა-მექანიზმების უწყისის შედგენა;
- მშენებლობის კალენდარული გრაფიკი;

IV. მშენებლობის ორგანიზაცია;

V. მშენებლობის ხარჯთაღრიცხვა.

VI. სატენდერო დოკუმენტაციისათვის ტექნიკური სპეციფიკაციების მომზადება.

პროექტის განმარტებით ბარათში მოკლედ უნდა იყოს აღწერილი არსებული მდგომარეობა და საპროექტო გადაწყვეტილებები (უნდა დაერთოს საჭირო გაანგარიშებები, სქემები, ცხრილები, ფოტომასალა და ა.შ.), მოცემული უნდა იყოს სარეაბილიტაციო ობიექტის ძირითადი პარამეტრები, გამოყენებული მასალების სპეციფიკაციები, სამუშაოთა ჩამონათვალი, მოცულობები და მშენებლობის ორგანიზაციის რეკომენდაციები საორიენტაციო კალენდარული გრაფიკით, გარემოსდაცვითი ნაწილი.

მითითებული უნდა იყოს გამოყენებული სამშენებლო ნორმები და წესები და გაანგარიშებების მეთოდები.

ტექნიკური სპეციფიკაციები უნდა მოიცავდეს კონტრაქტორისათვის (სამშენებლო ტენდერში მონაწილეთათვის) ზოგად მითითებებსა და რეკომენდაციებს. ასევე, დეტალურ სპეციფიკაციებს (ყველა აუცილებელი სტანდარტის მითითებით) გამოყენებული მასალებისათვის, სამუშაოთა შესრულების მეთოდებისა და ხარისხის კონტროლისათვის.

პროექტის გრაფიკული ნაწილი (როგორც სამშენებლო, ასევე სატენდერო ნახაზები) შესრულებული უნდა იყოს სამუშაო დოკუმენტაციისათვის მოთხოვნილი ნორმების და სტანდარტების შესაბამისად, სათანადო მასშტაბში და დეტალიზაციით. პროექტს თან უნდა ახლდეს მოკლე ანოტაცია.

#### 4. კონსულტანტის შტატი

კონსულტანტმა დავალებით გათვალისწინებული მომსახურების მაღალ დონეზე შესასრულებლად უნდა უზრუნველყოს კვალიფიციური კადრების მობილიზება (როგორც ძირითადი სპეციალისტების, ასევე დამხმარე ტექნიკური პერსონალის).

ყველა ექსპერტი (წამყვანი სპეციალისტი) თავის შესაბამის დისციპლინაში აღიარებული პროფესიონალი უნდა იყოს და გააჩნდეს მსგავსი სამუშაოების შესრულების არანაკლებ 5 წლის პროფესიული გამოცდილების სტაჟი.

#### 5. ანგარიშგება და განრიგი



დავალების დაწყებიდან 1 კვირის ვადაში კონსულტანტი წარუდგენს მგფ-ს საწყის ანგარიშს შესათანხმებლად. ანგარიშში ასახული იქნება ძირითად საპროექტო გადაწყვეტილებები.

დავალების დაწყებიდან 2 კვირის ვადაში კონსულტანტი წარუდგენს მგფ-ს დეტალური პროექტს შესათანხმებლად. მგფ 1 კვირის განმავლობაში მიაწვდის კონსულტანტს შენიშვნებსა და კომენტარებს პროექტთან დაკავშირებით.

კონსულტანტი ვალდებულია, მგფ-ის კომენტარების მიღებიდან 3 დღის ვადაში, შეიტანოს სათანადო ცვლილებები პროექტში და საბოლოო ვარიანტი სატენდერო მასალებთან ერთად წარუდგინოს დამკვეთს.

კონსულტანტმა დამკვეთს უნდა გადასცეს დეტალურ პროექტი და სატენდერო მასალები დაბეჭდილი სამ ეგზემპლარად, ქართულ ენაზე.

წარმოდგენილ მასალებს თან უნდა დაერთოს მათი ელექტრონული ვერსია (ტექსტური ნაწილი Word და Excel ფაილების სახით, ხოლო ნახაზები – AutoCAD და PDF ფორმატში).

## 6. დამკვეთის წვლილი

დამკვეთი კონსულტანტს გადასცემს მის ხელთ არსებულ ყველა მასალას, რომელიც შეიძლება საჭირო იყოს საკონსულტაციო მომსახურებისათვის.

## 7. სამუშაოს ხანგრძლივობა

საკონსულტაციო მომსახურების საორიენტაციო ვადაა 1 თვე.

